

蘄州志卷之十八

知蘄州事虞山錢 鑿纂輯

藝文志

詩

國朝

古今體詩二百三十二首

五言古 二十六首

詠高士吳瑛

顧景星 黃公

伯仁起齋郎簽書黃州守入爲虞部員掛冠方黑首臨流  
獨長嘯種竹還漉酒歡笑迎嘉賓絕口不臧否青毡就盜

蘄州志

卷之十八 詩

一

乞力田門生耦不顧尚書期鷓冠狎鄰叟世遠言亦湮著  
述曾不有高躅畱史篇芳名僅身後

詠高士林敏功敏修

顧景星

松坡節氣士少小負學術一舉偶見遺塞門卽弗出經通  
郭子橫名比皇甫謐隱處非盜聲率性不就辟子來實愛  
弟豹席共床筆湮沒無思篇零落蒙山集立言期不朽傳  
後反難必所望賢達人名山拾遺佚

酬蕭霽

顧景星

之子志我同端居媚幽獨樂從大賢遊久謝時人目微雨

山中來竹梢低入屋鳴蛩寂不聞閉向東齋讀濁酒時復  
斟高筒頻拆牘一日凡幾回蛩音滿空谷

樓來店 有序

顧景星

石城徐公子星昔在山左招徠廩集漸成市塵土人德  
之呼徐公店茲守楚駐蘄于四郭隙地各建舍十間名  
曰樓來行旅乃得休止詩以紀之

伏莽既已平大江亦以清舊時荆棘地更有行人行山川  
故覲突寇攘仍從橫落日怖商賈淒風悲遠征懸設市門  
閉城上哀笳鳴一擔立四顧但有雅烏聲官櫪久不設負

蘄州志

卷之十八 詩

二

戴何惇惇一物不得所憫惻仁者情緒衰寄牛屋土龍眠  
古瑩安知岐路泣不有狂阮生公簪駐山左二載德教明  
荒涂聚市肆廬宿無流氓楚俗最無陋茅竹支祿桁虎狼  
一斷道伐屋登空城杜陵思廣廈虛願終何成如君事實  
政永宜良牧程

答康伯問字說

顧景星

斯文羲軒後微義竟誰紹智哲識其情遺象存理要流傳  
有淫體臆說恣攻□瑣碎雖百家無能救沈澳鼎□□異  
狀鼓冢亦難按沿襲誤後學徒然痛先□六書非細事宣

泄挾道妙囊括二儀間津梁五經輿我勞夫如何十載心力耗變通固無方苦辯非執拗學官會有時覆瓿君豈料庶幾桓譚知不惜劉歆笑兒童干祿樣腐塾兔園鈔規矩喪高曾笞幡轉相告老眼困昏花研精矢期耄莫怪和者稀陽春本孤調

上巳步湖村

李炳然  
東臯州人

久不到南湖灣環僻若此艷艷花匝樹碌碌石淬齒逶迤凡幾曲屋隱茅茨裡莫是武陵人依舊桃花水石林高復下坐客箕或倚稚耄少扳援貴賤一我爾問我來何所大蕪州志

卷之十八 詩

三

笑稱上巳雞犬與爲隣邱壑趣猶美得魚卽易酒臨淵寧洗耳直待菡萏香還來劈蓮子

北園看菊

李炳然

涼風吹庭槐萬樹一淒惻園林時偃仰春豔不重飾黃華如散金紫霞儼傾國當暑勤澆灌非種鋤螟螣移爾白玉堂四座起寒色

秋日石璠生攜饌邀遊如是菴

李炳然

西灝崢嶸光今日固如是明日復何如恐虛林壑美生涯看黃葉損益隨秋水靜欵幽人扉高凭南郭几嵐氣奔不

歇湖心澹若此天牕躡殷雷蓮心散堦圮掃開苦竹影妙  
發醜翻理香稻飯青菰筐蔬點蒼耳奧義衍三車清詞辯  
四始交臂採芙蓉何必貝多子

從家人訊知里中故居近狀

盧

紘元度州人

故里臨江滸人當寇殘餘休息十年來疾苦尚未舒非無  
仁明長蠹痼堅莫除水則勞舟楫陸尤困輓糈奔走服徒  
役終歲少安廬官錢不可問兼歛奉狼胥形枯骨僅存索  
盡囊無儲欲脫此鄉去茫茫何所如呼籲不得聞蟠固難  
間疎吁嗟此子遺仰首空躊躕余久宦遠方聞之生長噓

蘄州志

卷之十八 詩

四

不顧所忌諱憤貽長官書幸邀聽轉環夙弊一朝祛役仍  
出官僱夫額復其初從此獲寧止咸遂樂土居遠聞忽興  
躍願頌循良譽敝瑟寧盡張改絃姑與徐屈指二三年生  
聚盈郊瀦余亦當倦游欣然返昔廬

其二

盧

紘

憶昔喪亂後余宗歎伶仃煢煢婦與子藐爾弟與兄遠來  
隨宦遊薄畝誰與耕去年從弟死斬焉無餘丁骨已歸荒  
邱我子代爲營有弟入緇流浩然學無生志堅不可奪微  
祚亦已傾一弟支爲近有家尚難成子穉方在抱內顧憂

未寧自伴我東來伏臘三度更祖祀莫爲享衰戶無與撐  
租田有微獲不足供官征內耗鼠穴叢外闕鷹眼瞪痛聞  
先墓傍疎孽竄其城自非久宦遊仍以家難并胡致此艱  
虞種種切膚撻中夜戚然思一官忽已輕願歸先人廬歲  
時篤宗盟他慮誠未遑先祧能無情

蘄州盧氏殉難始末

周茂源

雲間

伊昔蘄黃間寇禍最慘烈官兵爲先驅貪冒同饕餮賊從  
上游來萬竈化魚鱉盧公偉丈夫嬰城誓死節賊衆如蟻  
附交衢徧流血骨肉相因依一朝半屠滅公當瀕死餘拒

蘄州志

卷之十八

詩

五

賊氣勇決登陴勗健兒瞋目皆爲裂巖關倏焉推鏃矢亦  
告竭逢掖長賤貧與城共存沒長公間道歸遺骸裒衰經  
負土瘞舊阡殉難敘始末或死或竄亡歷數多嗚咽烈婦  
楊與袁大義明霜雪楊爲紱也妻紱去成永別自投燎火  
中珠胎並燔藝袁也歸震初堅貞儼積鐵從容拜姑嫜溺  
井求蠲潔漆簡與丹旌采風宜首列夫何金鏡淪幽光殊  
未徹純孝揚令名孤忠欽曩哲况乃黃鵠操挺然不可折  
庶幾楚倚相紀美無遺缺援筆愧如椽奚庸表碑碣

頌楊袁兩孺人節烈

張錫懌

雲間

蹈火既不易赴井良獨難先後何從容雙烈稱二難至今  
趙州側火燼血猶丹化爲祝融峯攜母俯千盤貞魂干氣  
象白虹貫井榦化爲三峽水抱子激危湍慘死未及旌慨  
焉摧心肝國史幸有紀能令白日寒

山中風雨憶猶仲熊學師

張士淑 耳聖

空山久風雨重陰壓天暮落葉依重扃屐齒迷來去鴈影  
沒秋旻千山寒未度遙遙一水思遠浦隔江樹

策山行

張士淑

危巒矗空起壁古長箐篠里中數土姓相依共昏曉家舍

蘄州志

卷之十八 詩

六

平林西雲樹可數眺豈不懷田廬四野飛旒旒隣伴約夜  
歸路黑山月小谷靜發空響膽怯驚鳴鸞到家夜過半月  
落荒村甯生業各蕩廢頽垣翳蘿蔦破屋疎星入照我天  
漢表時聞虎豹嗥更見蛛蝸繞雖是舊所居不敢久停遶  
嘆息出門去覓徑登林杪安得天下盜賊盡歸農令我笑  
數青峯卧亭沼

雨中訪顧赤方 二首 選一

張仁熙 長川人

日夕大江流江聲莽回互蘄陽萬古心旅客愁無數高士  
亦城居茆屋幽難遇著書二十年草長門前路相見亦何

深抵掌生烟霧論詩數百篇一一兼秋雨豈惜酒杯長展  
轉彌清素

過蘄春懷顧黃公

陳大章

徵君瀟洒姿搖筆富文藻弱冠充王賓時論推國寶激昂  
世務書匍匐兩京道志大徒次且行端久枯槁高揖辭風  
塵閉戶狎魚鳥經傳毛鄭宗學比崔蔡老一尺白茅堂樸  
質謝雕巧晚就蒲輪徵束縛難爲好王式本不來臺佟節  
彌皎依然奪牛翁歸作采芝皓六書大義微研精肆幽討  
上窮皇頡初下逮篆隸稟箴縷辨形聲錯綜出要眇善誘  
蘄州志

卷之十八 詩

七

物之師博洽時所少伊昔奉微言今來悲宿草歲月忽已  
遐風流竟誰紹汶淚下寒江白雲空浩浩

寄欽人田

萬 燦

洌彼清谿水素鱗托蘋藻風日豈不殊縈情惟夙好河鼓  
已宵移織機傷顏老天漢望容舫所恨秋霜早携手上河  
梁金玉傾懷抱兩翼忽驚飛抗志凌雲表興酣搖五岳榮  
名以爲寶隻影誰與同止水空潦倒落葉滿堦庭寒蟬泣  
秋昊新芳及殘芷臭味分菀槁楚山接燕雲行行寄長道  
衣帶日以遠珍重思□縞

嘯月軒

陳鼎元  
濃溪州人

昏鴉棲已定幽人忘夜永仰見千尋竹搖動疎星影少焉  
東山上金盤光如炯頓令塵土中燦若玻璃境緬懷步兵  
狂思與蘓門等雖非鸞鳳音或不類蛙黽劃然草木震直  
上此君頂空翠藹林間悠然快獨領

半畝園卽景

陳鼎元

四時各有序草木測其端季秋與冬孟辨在微芒間赤日  
照高樹霜風薄朱顏昏且變節候淒然難久安坐我草堂  
中綠橘已可攀雙柑下斗酒耳熱有餘歡裊裊芙蓉露秀

蘄州志

卷之十八 詩

八

色真可餐採菊籬邊去悠然亦見山蒹葭正蒼蒼伊人良  
獨難

曹荔軒梓白茅堂集將竟感賦

顧 昌培山人

和璧不世出剖璞須其人珊瑚結海底網取非柔紉力大  
用必壯鑒別識乃真明公賦至性挺特空羣倫束髮事高  
步老大能親仁生鍾燕吳口氣壓京華春時維先君子旅  
卧越烏呻公也獨愾慕意洽如飲醇走馬出 殿直攬轡  
來城闐晏語或達暮夜懷難及晨豈惟骨肉愛竟以膠漆  
論身今致通顯揚挖據要津金閨總羣彥雅志獲見申古



人不可沒後哲寧隱淪庀工市梨棗鏃鏤崑穎新驪珠燦  
煤墨玉版開瑠璘陳思慟敬禮護惜猶苦辛矧同珙璧視  
忍終榛莽湮

中丞宋公  
許刻不果

宮井

荆府雅詠之一

張

畸另齋  
州人

禾黍悲故宮荆棘生宮井不照綺羅人空拽寒泉綆秋來  
梧已落冬至桃還冷過此獨潛然興亡良可省

夜雨懷山館詩友

張畸

入夜雨聲悠素心人自若寫懷見古意得酒破離索今夕  
有幽夢夢遶空山閣相思風雨中處處催花落

蘄州志

卷之十八

詩

九

喜麥莊至

李生槃

兩州人  
峯

春風倚竹窻脫帽就暄暖徘徊念故人狂喜臨清館君言  
別日多我問來何緩與君向階前花看梅梢滿

過蓮花池弔張氏二烈女

李生槃

防賊夫如何誓心同一死况乃宦家兒忍辱尤可恥所以  
就義人從容赴池水父老爲余言墳指荷香裏

自渴口歸陳芳蘅伯仲送別舟中

張溥源

梅川

天水共淒清積雪覆洲渚溯游雙溪曲遙向大江滸敝廬  
待我歸安能長羈旅野濶雁聲疎別離良太苦長揖謝故

人脉脉兩無語

別同學諸友

熊 淇

高崗有茂林暮鳥簇其枝羽采相輝映鳴聲若填篋聚會  
盡今夕來朝南北岐去去日以遠夜月長相思

七言古

十二首

沈生行

士望蘄州諸生崇禎末上書召見授  
兵部叅謀輔臣移送江督袁繼咸幕

顧景星

先皇避殿居齋宮晏食不聞司樂鍾黃門晨放罪已詔阜  
囊夜啓登聞封是時韋布紛然至沈生棄家走燕市上書

蘄州志

卷之十八 詩

十

直動萬乘尊宋代陳東毋乃是韎衣給諫名最高陳啓新呼

吸帝座無汝曹沈生上殿一指顧徃徃廷論歸儒髦潼關  
東西薊門北沙蟲攤道邊塵塞皇心但警紫荆圍司馬誰  
防白波賊銳頭參軍最後來相隨幕府臨江開短衣出入  
通侯第岸幘還登歇馬臺倉皇叩首驚傾覆烏號無弓小  
臣哭義旗壯士且鷹揚溷跡王孫盡魚腹渡江忽報安東  
軍生也收涕趨轅門化龍有讖雖曾應餓馬騰謠忍遽聞  
凶奸構禍何倉卒誰夢湖城□營日漢安爵命豈非恩廷  
尉山頭况難必丈夫死卽鴻毛輕石頭取節非純臣帳中

濺血黃將軍頭下奏事有沈生將軍敗後無堅壘凝笳疊  
鼓軍容改潛身幸託江海翁青衫已卸麻鞋在瓦盆半菽  
妻兒嗔憔悴尋常行路人誰知乞食陶彭澤莫辨埋名梅  
子真春風貫酒茅欄下念是當時請纓者卻憶先皇御極  
初執手相看淚盈把

王居士歌

有序

顧景星

居士四十不娶若狂易鄉人共笑罵蘄空下臨自危堞踊身  
下無所損結茅廬山清涼臺巖縣空下臨自危堞踊身  
餘不食客至戰慄不敢上居士遙望大笑而已無名字  
自曰我仲尼之徒因號尼徒居士僕慕其人爲之歌

尼徒居士本無家戴髮已自披髻髻鄉人共笑死邱壑獨

蘄州志

卷之十八

詩

十一

脫禍亂栖煙霞清涼臺上人蹤少隨意晨昏坐來好經時  
石罅生白雲盡日林間絕飛鳥

東湖

名金沙亦  
名赤沙

李炳然

蘄陽城缺東南隅金沙赤沙闐東湖勾漏丹丸光的皜或  
云其下饒藏珠春水方生百川漲潄崖錯認牛馬驅眾師  
榔族類撥掉鷓鴣鷓鴣雜音呼晏安憶昔全盛日月夜滌  
槳雙飛鳧好奇常奪羨陂席江妃來往羣龍趨水月白露  
天無壁直汰塵斛于冰壺奈此狂瀾江海覆斜風細雨誰  
盧胡長鯨貪餌饜作腊龜口不見血淋顛南望洞庭是青

草西眺匡阜之香爐今年山墜十八丈共頭墦破古鶉觚  
最愛湖平流淡淡小舸勝杖短筇扶青女霜繁水潦降恒  
河沙聚一邱區忽慕沔湖汎舟夜郎官新題千祀俱

甲子冬杪與諸公同涉雨湖會祭嵩岑李中丞作

李炳然

雨湖冬涸潦水平北風橫厲多哭聲頽蓼泥汨岸角出禿  
樹杈桠葉戰鳴一碧泓深清見底鴨頭衣綠菜綸紫鯨魚  
羣戲乘空遊素心元淡乃如是兩三人航渡口開葦間延  
緣魚鳥來老僧可憐餉茶茗野客驚寒就口食更有王孫  
蘄州志

卷之十八 詩

十二

游衍處落日古瓦竄蒼鼠版橋倒臥踏冰霜牛羊下壠傷  
禾黍請君回船夜水渾聚少離多看浪痕今日羊曇猿墮  
淚穢船慎勿到西門

奉和汪仇懷正月十三大雪偕同社諸公赴石璠生

招飲卽席賦七言古風一首 李炳然

雪滿五枝水倒舉蝟毛蹙縮傷馬圉豪士飲酒競華筵日  
中洒掃還未許醪過牆頭枉用存雪裏欵扉春雲温折簡  
招我走稚子榦葉燒爐熏芳蓀鵲巢歲據雙槐上井口籬  
邊舊竈煬

石氏堂下有二槐樹上  
有鵲巢下有瓮井

可憐七菜落莘盤笑指銀

瓶罄家釀殘杯冷炙莫驚猜槐堂豈爲老春開觴詠不貴  
大官讌四座風生見辯才汪子承衰文崛起廊清蕪穢詮  
奇理蔚豹侷儻概凌雲唾壺擊缺不吾以石子朗朗玉山  
行照等清襟雪月明芝英筆底書無算武庫縱橫入莫名  
八十老翁久疲病谷汲山樵息心競土膏冒櫛省三農梅  
隴衝寒識七政索居逞逞惜離羣衰顏酺會倚觴醺況值  
金吾弛夜禁灞陵可識故將軍門外鼓闐燈火節士女塢  
臂誇白雪宮月簑衣鋤帶寒春水方生罇酒別

蘄城弔昔

癸未

盧紘

蘄州志

卷之十八 詩

十三

江城怪石環蛟宮鬱覘佳氣凌菁葱朱邸晝開傳鼎食樓  
船夜汎喧絲桐飛馳上下帆檣會翹首流連大國風南山  
周迴森列幃沙渚綿亘曲遶弓地居雄服當荆末萬里奔  
濤難控遏出峽曾聞一線天朝宗滙此偏驚闊東來美聚  
勢疑蟠突起人文多秀達虎變龍驤命世奇登壇赤幟紛  
能奪運適終乘百六年焦毛薄肉殞多賢修螭噴毒螫其  
後狂鯨鼓翅噬其前炎烽四起百堞墮廬舍成墟灰蕩然  
荒原處處飛燐火木叫寒鴟草宿烟俗承醇厚猶稱淑天  
□□櫻懼慘戮我歸骨肉並傷殘衰經朞功一時服萬戶

千門僅有存眼中那見英耆夙獨立江頭憶舊遊淒風漫  
助離人哭

評鶴原子詩兼贈

汪 蘅  
州人

里中佳士鶴原子冰雪爲懷絕纖滓幽居築向鳳城偏花  
竹蕭疎映圖史身豐暇豫抒深情成詩雅得風人旨几篋  
殷殷金石聲不屑示人長自喜偶然小策披汝逕緒論微  
言洞名理緘將新製我持歸剪燈吟繹香生齒建安端合  
肖長篇近體還應天寶擬時人此道競輕爲苦心何處存  
詩壘願言大雅共扶輪風格堅凝砥波詭當前好景足唱  
蘄州志

卷之十八 詩

十四

酬麟鳳之山雨湖水

乾明書院

汪 蘅

六菴張公牧蘄十有八載士民旣建書院于城南鳳山坊矣茲復建書院于大士閣之左亦曰張公書院予因

其地題曰乾明所以別鳳山云爾

乾明磯右靈芝石乾明磯左羅仙跡大江東下抱磯流昔  
時磯趾今沙壻磯上平原接鳳城古廟參差臨絕壁南山  
排翠自年年州岸蘆花秋吐白菱唱漁歌落照時風帆沙  
鳥煙雲夕依稀髣髴畫圖中王維欲寫千難百由來牧伯  
幾登臨那許蝸櫺容片席只今杜父得張公才出緒餘泣

煩劇初登化理鬱多難隨邁方城剽夏逆征師奕奕困壺  
漿況復督郵腰頻厄田園典盡勵官箴飲馬錢空空自惜  
桂苒心勞十八秋鳳山之原歛開闢經營不日煥宮墻肖  
像情過倦赤寫涓州外史筆如椽因檄詩歌光史冊芳煙  
搦管散鶻原野老迂疎近笨伯雕龍麓藻付英才兀把班  
枝聊䟽覈新詩裁罷睠江濱無盡恩被磯前濤

蘄陽行

奚祿詒

春前我寄君山迹犀甲鱗鱗寒大澤暮帆今日過蘄陽江  
花如練烏頭白荆國春殘樸檄官方勝花蛇走阡陌羈旅  
蘄州志  
卷之十八 詩  
十五  
形容二十年驛路秋風動蕭瑟如此空城莫住船吳瑛已  
死誰畱客

寄懷顧黃公江居

金德嘉 □ 公

掃地北風搖馬尾送我春明酒半醺我馬且行爲君立城  
頭殘月照離羣是時巷南歌偈側君苦欲歸歸不得五月  
逢人北寄書潭州博士報雙魚舒郎伏劍客秦隴君亦掉  
頭還舊廬蘄春草樹佳可賞草屨紅藤况蕭爽江水盈盈  
浮玉磯西塞山下鱖魚肥人生安能牛馬走細爭雞口與  
牛後元瑜記室事徒然鄭虔官令更誰憐何如爛熳花前

名芋醉醉眼看雲雨湖邊

虎入城

康熙辛丑十月十四日

郭

從州人

虎入城城民驚有衆逐虎虎負鳳麓之嵎莫敢撓專城都  
護州牧神明以正止邪虎無生吁嗟乎勢大者小不能與  
之敵力强者弱不能與之爭青天白日公然橫行虎乎虎  
乎今入城城民驚以正止邪虎無生

題郭蒼屏畫

李生槃

蕭奐老後王宰死千年突出蒼屏子一邱一壑清且奇萬  
里遠勢藏尺紙霜林闇淡秋氣深遙天暮靄羣雁起中多  
蕪州志  
村落住幽人三三五五自行止舉網者誰釣者誰結伴更  
在烟波裏板橋扁舟自相通山水蒼漭青濛濛牧童牛背  
何處去令我想見羲皇之高風吁嗟郭君把筆凝神久沉  
雄寫付後生須珍重兩今米顛風流空遺踪

五言律

八十七首

山居

顧咸泰

思州人

柴門眺野湖石醉路爲迂岸峭泉飛嶺林深月隱隅澤蘭  
侵酒筇遠砌夾蔓于寒翠盈溪結裁詩好截蒲

其二



別自爲清晝晝閒意轉清香烟縈古篆竹韻走溪聲村斷  
烟光接湖遙雲氣生農歌隨岸曲雅俗各怡情

答王純伯次來韻

顯江防副使

顧景星

白日空環堵窮愁未著書野田看射雁春岸指叉魚萍跡  
還爲客荷衣亦號儒雖歸故鄉陌終與俗情疎

鈞鈞潭

蕪治東八十里源出太湖縣司空山今名洗馬潭

顧景星

連雲趨萬壑起伏更嶙峋百里櫨梨水千山巖壑春林陰  
著颺兩潭定落星辰瀑漲循河下蛟龍亦有神

豁口

顧景星

蕪州志

卷之十八 詩

十七

野岸泥難杙江船纜擊斜迎鼠放桃葉宜雨是梨花流水  
東西堰新村八九家兵餘得淳樸漸欲見桑麻

王子雲隱居廬山忽過訪

顧景星

只愁歸不易歸後轉饑寒知己十年別貧家一飯難白頭  
仍避地遠害肯投竿孰是鄧文子能令王憲寬

口辭徵辟

秋日登拱奎樓

道憲徐公建

李炳然

東臯

鴻文懸石閣白露滿城隅直爲藏書計非關寓目須寒藤  
纏古木亂葦擁澄湖卓立羣峰外疎林半欲無

蕪陽營兵丁元通逆受僞札其妻某氏預知泣諫不

聽乃絞殺其二女尋自經而死夫丁元事洩被執  
乃拊膺大哭云悔不從妻氏之言 李炳然

不謂丹青烈芳徽出婦人嫁從厮養卒愁見陌頭春薄命  
緣蜚搆三生義滅親早知嬰母廢那到禁街陳

萬壽寺訪天山老人不遇

天山老人夏  
伯別號

李炳然

詞場久寥廓大雅得狂生鷗鶚凌風急驂騶驀澗橫巾車  
憑逸軌釣艇或知名不見黃公叟松風滿院聲

重過水月山寺 李炳然

十月林□赤晴空愜舊遊山川天氣好橘柚露珠畱野火

蕪州志

卷之十八 詩

十八

連斜郭□溪□去舟幽人不我棄落日過橋愁

其二 李炳然

解組曾投此誰憐迨歲除鶯花愉老眼霜葉踏精廬楫楸  
爐團火菰蒲竈減糈早知清淨理卜築竟何如

粵歸展墓 盧 紘

六載兒歸日悽然拜母墳青非初植樹白是舊瞻雲支撼  
吾宗弱哀祈地下聞將辭東郡去心與楮俱焚

將適東郡值雨過株樹林望先塋不得上

盧 紘

每憶烟荒地時從夢袒遊到家旬日雨偏隔一山邱北道  
催行急長空併涕流愴魂從此去夜夜遶松楸

楚蘄首山盧公一門節孝詩 四首

楊枝起 雲間

癸未寇薄蘄州首山盧公率衆登陴誓以死守城陷不屈死前後從公死者次子諸生紱紱子晨初從子紳從孫震初妻袁氏

其一

楊枝起

昔賢盧子幹身隱道彌尊抗節伸炎漢流徽到遠孫譚經  
時握塵殉敵不呼智異代縹緗素應憐風義存

其二

楊枝起

蘄州志

卷之十八 詩

十九

早播黃香譽終成王蠋忠時危貧賤奮義重死生同碧血  
流霜草鴻聲感玉穹元成方繼起人憶范陽風

其三

楊枝起

嗟爾四君子翩然華國才不期霜鏢染能使陣雲開忠孝  
傳家業精靈越夜臺當時仗節者騰告忍徘徊

其四

楊枝起

聶家軹井里趙氏磨笄山感慨徒爲爾從容未盡閑玉羊  
清粉黛火雀照金環若遣鸞書問應從姑射還

殉難詩

張一鵠 刃齋

楚國先賢傳千秋事可師家留子幹學人畏彥方知槃澗  
鴻飛日孤城鳳鍛時年年江漢水常與薦芳籬

其二

張一鵠

大將居全地諸生在戰場乘堙無上策縈帶豈周防華髮  
歌虞殞丹雘弔國殤九原留勁草雲靄暮蒼蒼

其三

張一鵠

彤管垂遺詠芝蘭此共傾無心猶恤緯有淚已崩城朱火  
芳仍烈寒泉骨愈清自緣誠感切執義及衿纓

其四

張一鵠

蕪州志

卷之十八 詩

二十

褒典虛前代推恩自

聖朝天書暉草木泉戶仰雲霄華表遲歸語青春托大招尚  
餘榮養恨灑淚滿征輶

初夏山中送李嵩岑赴粵西僉憲兼憶盧澹岩先生

陳之京 觀伯

西湖老病休出處各爲謀遠宦蒼梧去幽栖藂桂留楚山  
紛漠漠湘水淡悠悠佳句頻酬和人逢柳柳州

七葉寮

談允謙 長益

朝氣尚未散鬚眉都已侵若雲流水上非雨瀝松陰客漸

移鳩杖僧猶阻鳳岑城中有空翠何必萬峰深

汛雨湖

談允謙

汛入雲深處驚鳧出水涯引人湖最曲豈我興偏賒客靜  
親鷗鳥舟行讓藕花幾時兵火靖遂志得移家

蘄州官署書壁

呂暘全五  
防憲

梧桐纔葉下絺綌已驚涼健翮霄承露紛英晚帶香魚口  
菰子白鶯喚柳條黃虹見愁無雨花陰聽早螿

蘄州三角山寺

王顯純伯  
防憲

三峯稱勝地登眺有餘情鳥語堪畱偈花香可作盟俗緣

蘄州志

卷之十八 詩

二十一

閑裏斷禪法靜中明林密山藏寺鐘聲襍爾聲

三角山龍門寺

僧天章徽州人

嗒焉虛隱几規月恰投牕喝石山羊醒揮塵野馬降巖空  
天借半橋卧影如雙此意憑誰指遙峯插翠幢

其二

僧天章

臨榻不能寐山空月一樓草蟲虛沸夜梧雨壯迎秋却坐  
涼如瀉相看意自酬寂寥生曠眼扶策好優游

送黃公還

施閏章愚山

故人看又去羈客坐含愁把酒不成醉何年同復遊才偏

□□史名已徧皇州舊國烽烟裏休登黃鶴樓

其二

施閏章

強起非君志京華且復春嬾充虎觀客閒許鹿門身剗蓋  
看今日湖山讓此人狂歌自通隱未老豈長貧

悼袁先生公寥

張仁熙  
藕灣

頗識東阿又還疑李賀同幽思華屋裏鬼語玉樓中地志  
文偏古浮亭賦獨工孤墳不得意搖落耐秋風

其二

張仁熙

風俗爾先憐繁華亦自牽真才人欲殺駿骨恨難捐老眼

蘄州志

卷之十八 詩

二十二

荒天地雄文半鬼仙廣陵無限調淒斷付哀弦

喜盧參政自姑蘓歸里

張仁熙

憶昔繁華地春風玳瑁觴錦帆畱極浦花信到橫塘對月  
聞歌倦看雲笑吏忙歸來無一事重上讀書堂

蘄州蓮花菴道上

舒峻極

青草畱行路黃花徧野田數家成市井疎樹黯炊煙估客  
遠來糴溪橋春集船同遊歸興動未到已淒然

同集生公卜過柳塘故居

張士淑

昔時遊冶處池館通荆榛白髮悲前事青山憶故人鳥呼

如識面樹老不知春爲問荒堤柳長條幾暮晨

宿福勝庵

龔 栢 百口

穿林八古徑息倦慰繩床燈老連霄碧茶烟靜夜香細聽  
松露落近對紙窻涼賓主兩無念悄然星漢光

其二

龔 栢

不待安身久虛空靜裡生各言心所受共識理無爭一榻  
禪初定千秋月正明鐘音隨谷起桐葉落三更

雨宿王郃石山房

欽士佃 人田

信宿十年地重來路不迷山川高士傳風雨故人詩酒熟

蘄州志

卷之十八 詩

二十三

秋前秫交盟鬢上絲蕭蕭窻外竹况味此君知

舟泊蘄州追懷顧黃公

張瓊基 梅川

問孰張吾楚伊人絕可嘆龍旂刑白馬牛耳誓朱槃聲勁  
松風肅韻流竹露寒白茅猶似昔寂歷夢魂殘

烈士廟

黃天福 錫州人

江水朝昏逝丹心日月懸兩朝悲合璧一死感重淵凜烈  
龍磯石蒼涼鳳麓煙偷生苟富貴到此覺徒然

烈女墩

在州治北蓮花池內元  
總管之二女死難處

黃天福

雙娥凜大義一奮葬澄淵死骨清如水貞心苦在蓮衆中

誰勁節波底感遙天  
隱回塵埃外池墩護月圓

山居秋懷

駱思白

東臯涼葉下遠岫亂雲生  
嫋嫋秋風夜淒淒楚客情  
空庭流月色虛壁響蟲聲  
展轉難爲寐晨鐘不肯鳴

其二

駱思白

景氣益明媚尋雲且獨行  
病懷松際釋高意石邊生  
山遠樵歸早風微葉下輕  
徑迷幽絕處獨坐聽溪聲

次答晏東白

陳其勅  
五州人

如我如君者棲遲又一年  
悲歌憐夙志風雨伴初禪  
廣武

蘄州志

卷之十八 詩

二十四

狂非酒豐城氣豈鉛流光  
同馬腹且莫問長鞭

小江卽景

陳鼎元  
濃州人

籬落人家少高低幾處村  
插楊成古道編竹當柴門  
飯罷雞鳴午杯長犬吠昏  
興餘還向火坐對老翁論

其二

陳鼎元

出水魚兒好携來酒下之  
夕陽殘遠岫夜氣鎖寒枝  
比戶皆雞黍圍爐盡豆箕  
田家風味好我已賦棲遲

贈同社吳子天翥入山講學

石爲璘  
璠人

吳子傳經處飄然有遠心  
總因逢世懶遂爾入山深  
嶺上



猿啼月沙頭鶴唳陰忘機皆好友放浪任披襟

和方伯徐公雨湖秋月原韻

僧普紹 雪嵩

不知秋樹袒住有幾人家吹笛响山翠敲砧弄月華閒情  
歸野趣清賞在烟霞行到水窮際笑蓉處處花

涵輝閣舊址

鄭裔周 州郃人

霜白蘄州路凌虛見女墻夕陽曾水郭高閣自江鄉處處  
芙蓉岸山山薜荔房□隅一回首極浦是瀟湘

聞友人讀書大泉寺却寄

鄭裔周

擔簦尋故事此會見淵泉老愛佛燈冷閒隨僧飯便幼安

蘄州志

卷之十八 詩

二十五

忘皂蓋子敬戀青氊一偈投機後從前事猛然

其二

鄭裔周

北郭茆齋晏湖南梵宇清芰荷千頃處風雨廿年情殘白  
升鷄犬枯槎達海瀛徘徊清磬寂念此意怍怍

避亂鄉居過孟楠二兄山齋

張樞 州矩人

當暑□愁客避煩過澗西坐君北牖下風滿藕花溪畦□  
啼黃鳥山村走白鷄親朋不可見萬馬苦長嘶

太平山

寺鐘銘古名靖  
蘄志失考

顧昌

拔地起崔嵬崇巒萬仞開障褰青靄合崖護紫峯回草色

常烟雨山光到醞醅須知夔絕處步屨接三台

題張巾祖師洞門

顧昌

一片寒山石中藏不壞身放光頭上髻說法手中巾溪中有石

巾紋宛然傳是祖師遺跡

定自六朝入慈堪浩劫親至今施惠雨枯旱

及黎民禱雨奇應

送別吳寅公

李永昇

歸路匡廬近經過好繫舟虎溪晴欲雨鹿洞夏如秋每聽  
山人說常從夢裏遊何時同結伴長嘯五峰頭

夏夜渡金沙湖

郭從去山

蘄州志

卷之十八詩

二十六

一葉東湖徃夕陽光有餘烏飛昏擇木鷺宿晚窺魚明月  
投雲暗殘星映水疎遙看燈火亂相信是村居

拜康國公祠

秦京永畿州人

下馬入祠內英雄足敬恭驅元獲八刺敵漢走羣兇采石  
磯頭虎鐵橋水下龍明廷推武義嘉諡久銘鐘

七懷詩有序

張畸另齋

郡中師友一時名宿日月如流零落殆盡撰詩懷

人感徃贈愴云爾

東臯李夫子

炳然字人虎順治辛丑會試副車官吏部司務出宰江西萬安蚤賦歸來杜門

著書文宗選體詩學少  
陵有江麓堂集傳世

大雅存吾道高懷詣古期宿精文選理老敵杜陵詩五柳  
歸來日千秋著述時暮年陶後進不倦講帷披

盧公澹崖

張畸

絃字元度順治己丑科進士歷官蘓松糧儲叅議罷居  
虎邱講學海內知名士無不景從四照堂文集盛行歸  
蘄宦橐蕭然古麓年八十餘猶手不釋卷容  
膝軒于鳳山之麓年八十餘猶手不釋卷容

風波辭宦海著作老山阿文體分西漢詩情帶永和虎邱  
曾講學鳳麓久安窩獨掩柴扉靜藏書付薜蘿

汪公仇懷

張畸

蘄州志

卷之十八 詩

二十七

蘄字蘭友順治己丑科進士知福建南平縣以守正不  
阿還歸詩酒自豪與東臯澹崖諸先生各建旗鼓一  
場壇

高捷南宮日風流雅絕倫才餘隨酒展興溢惹花瞋秀句  
浸寒月駢詞麗曉春囊空免羞澁瀟洒露天真

王約庵先生

張畸

協字恭南雋才博學由明經出宰華亭疎狂自放不能  
為五斗折腰遂拂衣歸蘄居城之南山以詩文自娛

鶴唳華亭後南山種豆翁揮鋤輕皂蓋迴首嘆飛鴻書卷  
消閒日行藏類轉蓬西湖曾有約花柳六橋中

李千英先生

張畸

士俊字蘊文少博青衿有得扁其居曰澹石室茂氏東  
臯伯兄時加磨駸駸有精學從遊于原石室茂氏林  
修竹客至剪韭烹  
葵雅有幽人韭致

巾衫端素履石室老鷓原酒結同心侶詩追嘔血魂呼兒  
春剪韭問字曉開門世態浮雲外先生古道存

鄭邵胄裔周

張 畸

一字闕吾州名諸生屢躋場屋遂放懷詩酒于吾輩中  
稱豪士焉後余結雨湖隄社而闕吾先赴玉樓于十餘年  
夫悲

昔年詩酒社我愛鄭當時擬古霞成綺飛觴月醉卮不嫌  
羹是菜更喜墨臨池制舉科名事流傳豈在斯

蕪州志

卷之十八 詩

二十八

郭層崖從

張 畸

一字去山州諸生負性偶儻慷慨有大志喜讀秦漢書  
書畫獨出匠心更精古篆中鋒運腕今流在人間私諱  
小印如韓一片石不可多得其生平所歷人情物態悲  
歌感慨無一不發于詩付梓時去山病篤夜三鼓招余  
獲永訣見刻手泣下以不  
獲目見刻成爲恨云

磊落襟期遠居然八尺身文章高格調器度起嶙峋感遇

禽言盡從有禽言十首最工摩鐫古篆神煙雲爭繞帑一嘯出風塵

哭田生縉昔東臯先生所稱田長者之子也

張 畸

昔稱田長者今日竟無兒天道何由問人情至此悲撫棺  
腸已結聞哭淚先垂自古滄桑變浮生漫有期

龍磯石

李生槃

怪石橫江鎖長流勢欲窮瀾迴疑噴雪舟疾似乘風日月  
翻無極蛟龍戰未終谷陵幾變易長此識鴻濛

歲丁未大水偕丹九徃泛

李生槃

薄暮來湖上飄搖坐小船岸隨千頃沒波逞一帆懸望遠  
低晴嶂光寒倒碧天扣舷歌未穩四顧已茫然

陳澗溪先生二水亭題柱

李生槃

春入尋芳好名園數太邱水知隨岸轉亭不讓河流遙憶  
青蓮句如臨白鷺洲從容還一坐消息到源頭

蘄州志

卷之十八 詩

二十九

東山寺

黃載華  
鹿州亭人

蕭然東郭外寂歷古禪關綠隱一湖水青圍四面山鐘聲  
空際出客氣靜中刪消受蓮花淨方知身世□

雲廕菴 在安陽山

黃載華

淨土藏雲窟雲深山與深朝宗門外水插漢檻前岑松竹  
清遊興烟雲澹衲心我來思祖澤一笠□雙林

雲覆廕  
雨菴先祖

避兵處

昭化寺 前荆藩建棟佛皆石

黃載嶠  
晉州軍人

野殿寒光動蒼涼一徑通石闌兵燹後□路夕陽中江水

荒荒白山花故故紅誰將當日事回首問春風

烈女墩

黃載嶠

元時張總管兩女在閨門盜寇頻衝突裙釵驚竄奔蓮池  
同就死玉骨不單存春水高三丈依然見古墩

宿古泉菴夜雨

熊楚荆州玉山人久

深澗飛流疾荒菴夜雨長鼓聲寒帶濕燈焰冷無光咄咄  
頻書暗傲傲強作狂欲眠仍不寐夢亦怯淒涼

秋日鉢蓮菴卽事

涂萬綬州人

一徑空林古迷天薜荔盤寒山森露骨落葉響彈冠碧鑑

蘄州志

卷之十八 詩

三十

清湖水秋風冷釣竿蕭疎無限意應不數嚴灘

過永興寺

熊楚淳州師道人

一徑通山寺泉聲到處聞蒼松能引客老衲喜論文洞僻  
畱殘雪巖高落片雲尋幽方未已啼鳥莫紛紛

莖草亭分賦

釋重珂鳴菴

詩人能味道作意窮清幽日月棲莖草乾坤到雨眸平簷  
湖水淨接岸嶺雲流對此塵氛息相將物外遊

過修靜菴

熊淇州竹園人

密竹編幽剝深松鎖梵宮纖塵收拾盡一逕曲迂通茶熟

□香外經談鳥語中草亭人坐久紅雨落濛濛

留別天隱禪師

范

正州偉人儒

路險穿雲上徐行挽薜蘿層巒烟景出飛閣翠霞多有意  
歸蓮社無綠斷酒魔何時清磬裏相對發高歌

江景

張作楫

孤舟憑斷岸落日抱迴流遠樹連山郭遙嵐擁驛樓氣蒸  
天雨白浪激水風颯今古傷心事烟波天際浮

過白茅堂顧漁溪出黃公先生遺像展視之餘感賦

四律

張禮源梅川

蕪州志

卷之十八詩

三十一

大雅彫零後園留仲蔚蒿百城書擁榻三峽水迎毫海宇

驚詩伯蓬門哭楚騷榛苓思彼美憑弔氣猶豪

白茅堂自古三字額猶鮮畫筆鬚眉見鴻文日月懸未登

床下拜安得枕中傳末學瞻山斗空懷願執鞭

安車徵北闕□蹇已南征道在羲皇上名看芥屣輕幅巾

方袖日栖谷枕山情江水東流去遺音空自清

所契知名士郭菴與藉灣墩盤誰主席蜀道獨開山先生與吾

邑劉廓菴家藕口爲詩  
文友而先生爲主盟

方幅盈珠玉風流絕陟攀後人留

于澤猶見虎賁顏

七言律 五十首

赤東湖夜漁

顧景星  
州赤方人

子規亂啼山木疎，西嶂已沒殘詹諸。  
□聲暗問識同伴，星影不知誰得魚。  
全生肯狎蛟鼉窟，遠害且非豺虎居。  
自笑爲農閒袖手，漁租歲歲當菑蕃。

尋飛昇石

顧景星

乾明磯上飛仙石，苔蘚蒼黃棘刺中。  
華表幾時堪下鶴，荒洲依舊只鳴鴻。  
憑高晴見遠山雨，得路香聞幽谷風。  
雲窟江聲重載酒，念年回首欲成翁。

蘄州志

卷之十八 詩

卅二  
卅一  
卅四  
卅

旌表劉貞節先姑

顧景星

名香綉佛日周旋，膝下承歡二十年。  
韋母周官曾立詔，班姑漢志亦成編。  
誰家匹婦蒙天語，我祖流傳有地仙。  
鶴駕瑤池歸去否，孤墳四載痛荒阡。

寄答高台州培

顧景星

君侯昔自臨江至，曾代愚山寄俸錢。  
酒徒離缶滿竟累月窮，宦囊空幾半年祗。  
愁海縣無供憶偏，念山居闕豆籩晚節。  
漸於詩律放開緘，應笑落梅邊。

秋獨步水月山寺喜友郭素如適至郭近遁跡沙門



李炳然

樹聲滿壑影蕭蕭一院涼陰閉寂寥藉草坐深塵事少結  
跏話舊客情饒白雲舒卷藏烟岫黃葉飛沉散海潮何允  
茹葷猿鶴怨南華悔讀問逍遙

憶被難亡弟茂才樸侯

李炳然

西堂夢助句須成有賦窮愁獨慰兄興到苦吟驚漏徹家  
逢絕粒折葵烹沙原浴白同飛□鋒刃燐青別死生羣從  
子遺今長立玉樓梁上可鐫名

過湧蓮庵有傷亡友陳仲啓

李炳然

蕪州志

卷之十八 詩

三十五

東林約誓揭朝暎夜雨連床經對翻陶謝詞場今頓盡鐘  
王妙蹟與誰論山陽舊館惟殘草天上新文早及門泉壤  
不聞滄海事車過腹痛已聲吞

蕪陽十景 并序

盧 紘

蕪陽八景今有不可考如太清夜月相傳以爲城東有  
池中沉古鏡夜常吐光久淹沒無存矣今另敘定以雨  
湖浮玉二景補之茲實不朽勝  
概質之同人當共以爲然耳

麟阜江山

盧 紘

浩淼江光一望收分明圖向坐中畱屏開翠障廻青靄波  
湧晴沙引白洲賈舶千幡鷗影現村炊幾處縷烟浮蹟傳

白甫無題句應怪才人也漫遊

鳳麓晨鐘

盧 紘

江下蘄陽遶鳳隈  
蘆分四葉古林開  
耳根久信塵俱寂  
水面猶疑響似雷  
大覺原從空際徹  
羣迷早向夢中回  
蘧蘧晨起徬徨立  
方識鐘聲送悟來

太清夜月

盧 紘

城東曾訪太清池  
長老依稀述舊遺  
謾道塵沙湮寶鏡  
已無陂沼漾淪漪  
天邊有月孤懸照  
石上畱苔畧見詩  
方信山川多幻變  
空傳好景繫人思

蘄州志

卷之十八 詩

三十六

龍磯夕照

盧 紘

砢砢磊石踞江門  
浪鼓蛟宮晝夜吞  
高閣窓中搖素練  
遠帆天際帶餘昏  
晴沙芳杜香浮岸  
漁浦微燈影隔村  
勝地隨時堪寄眺  
尤宜落照看濤翻

城北荷池

盧 紘

長夏閒登城北樓  
輕風時送遠香悠  
新藻幾曲沿芳岸  
高柳千門繫小舟  
採罷歌傳歸正晚  
坐深譚競去仍畱  
頻來靜對消清晝  
豈羨羲皇世上遊

金沙夜泛

盧 紘

一派湖光疊碎金  
水烟相淡夜俱深  
小航獨泛中流靜  
圓鏡虛涵片影沉  
鷗過不驚隨浪穩  
鴈來早度怯霜侵  
楓林兩岸畱燈火  
村落朝炊且待尋

鴻洲烟雨

盧 紘

西風翻浪漲平沙  
四覆陰雲濕荻花  
隱隱渡頭依小艇  
濛濛村外有人家  
疑聞驚起呼相亂  
遙帶衝飛影若斜  
萬狀江光收未盡  
不妨暫作一籠遮

龜鶴梅花

盧 紘

雪漫龜鶴似孤山  
萬片冬來石上斑  
風送暗香隨隴出  
月蘄州志

卷之十八 詩

三十七

涵清影待人還驢  
頭索句寒生韻夢裏  
通魂玉破顏夙昔  
王孫耽勝事探尋正  
自許乘閒

浮王晴沙

盧 紘

流引晴江一練澄  
瑩沙波湧石峻嶒  
孤亭柱藐搖空出  
傑閣窻虛入漢憑  
春到連汀吹杜若  
夜深依岸起魚燈  
擬將七曲陪三島  
呼吸瑤京且任昇

雨湖漁舫

盧 紘

幾曲烟波入畫中  
兼收風月夜澍澍  
千株高柳圍村綠  
十里新蕖覆水紅  
網罟晚天歸棹集  
菱蒲深處有歌通  
由來

簑笠相傳業沽酒烹魚樂事同

禹王閣

盧紘

倚城高檻俯江流萬里安瀾遶石頭榜唱橈謳深歲月渚  
青沙白白千秋海門澎湃輸遙島大別朝宗就列侯此地  
尚畱崇伯祀元圭知己報荊州

羅乙真人飛仙閣古蹟

盧紘

蹟遺雙履印苔蒼仰眺雲中鶴路長丹灶欲尋空見石芝  
田何處但存崗島遊夜逐潮音泛綵仗高隨禹步翔與大禹相近  
相王二閣近 霞外仙踪應不寂江天霽處正相望

蘄州志

卷之十八 詩

三十八

烟光樓懷吳明卿先生舊遊處

盧紘

寥落梁家江上樓甌甄騷客舊登遊烟波晚眺曾畱句沙  
渚秋平幾泛舟漫對翠屏千嶂合徒存片玉一亭浮同來  
覽勝今何去常使經過弔暮流

送李嵩岑繕部入都

陳之京觀北州人

花妥鶯嬌萬錦攢垂楊千尺拂征鞍名香不事芬喉舌粉  
署初栖試羽翰壯麗蕭曹崇漢殿夔龍禮樂映冬官還淳  
爲捋工倕指驤首升恒正石磐

答新泰盧澹岩社翁

陳之京

避地移家遠索居長竿湖畔釣雙魚故人分俸還沽酒野  
老援毫正著書膏雨岱宗雲合後文瀾滄海日生初琴堂  
清暇如相憶爲報秋風短鬢疎

雨走往鳳山寺

陳之京

細雨春寒濕暖烟棠梨開遍杏花天遙遙故址南崗外落  
落新楊北牖前伴侶招提閒有約窮愁滔莽浩無邊伏生  
已老逢鼃錯蚪蚪殘書久不傳

土寇疊警農桑失業感念亂離賦此永嘆

張士淑

蕪州志

卷之十八 詩

三十九

烽火連宵暗野屯蕭涼彌望遍荆榛蟲鳴促織家停杼鳥  
喚催耕野絕畝東海豈眞稱義士中山強半是狂人武陵  
若許漁舟泛深卧桃花笑水濱

浮玉磯

劉醇驥 千里梅川

怡亭舊落水中央奔突東磯更混茫直劈江心帆路隱遠  
垂虹背釣臺荒天圍鶴浪千峯隔風住神燈六月涼楚客  
白蘋蕭瑟裏何須聽雪上瞿塘

其二

劉醇驥

黯淡雲根太古秋蛟宮鼃窟擁冥搜磴無懸草蒼猶立人

忽成雲薄欲流烟遠過城通曉磬日孤眠鷺隱滄洲携來  
鐵笛吹寒色風雨梅花暮未愁

其三

劉醇驥

來往十年思不違偶分山屐俯清暉仙人幾卧苔衣上柔  
櫓嘗穿雪峽飛木葉渡江逢石斷雲光墮鳥照沙稀夜深  
浦白鐘聲潤香海茫茫何所歸

雨湖秋

僧真常 道恒

秋在晴湖不在城羣峯互動見秋橫寺從落葉林邊出水  
去枯江石上鳴傴僂影寒行旅亂淒涼心向暮中生雲烟

蘄州志

卷之十八 詩

四十二至  
四十五

身是孤僧事且自今年不遠程

龍磯寺

談允謙

鐘鼓波深島嶼晴呼人隔水挈舟迎蛟龍定有窟在此風  
雨未來潮自鳴磯險乘流船疾渡江斜衝郭石孤撐疑僧  
終世不曾寐每聽夜靜驚濤聲

談長益揚訂遊雨湖次答

張仁熙

州城南郭望霏微郭外澄湖帶夕暉棹入千峯花徑好溪  
深五月釣魚肥佳人白羽停宮扇遊子春衫漫薜衣近得  
廬放清興滿題詩多傍彩雲飛

雨湖春漲

李生槃

盈盈春水欲沉天  
村落人家鏡裏懸  
青草岸平三月雨  
綠楊隄鎖一湖煙  
覓橋忽沒灘頭路  
問渡新尋谷口船  
獨怪閒情屬鷗鷺  
終朝游泳不知還

通志館作

李生槃

江漢分讐歲月深  
星霜幾度鬢毛侵  
數行墨訂千秋蹟  
萬卷書成一寸心  
太史自堪商筆削  
楚材尚復憶升沉  
由來觀左風流在  
慚附青雲意不禁

送范仲兼還維揚

黃載嶠

蘄州志

卷之十八 詩

四十三

蘆白江空正穩流  
開帆送爾下揚州  
霜飛古渡寒生枕  
夢散殘更月滿舟  
過眼雲山添絕調  
關情兒女破新愁  
閒中試問隋隄柳  
風雨蕭條幾度秋

九日登鳳凰山

張選桂 丹一

十里江光十里山  
水鷗飄泊自飛還  
久嘗世味知喧苦  
暫涉林風許寂閒  
遠壑似隨人俱靜  
古松覺與石同頑  
眼空方會登臨勝  
不在茱萸強解顏

遊紫雲山訪天隱禪師

范正 緯儒

幾年夢繞紫雲顛  
得傍支公意洒然  
突起雙峰抽玉筍  
飛

來疊嶂擁金蓮心空色界疑無地目極虛明別有天此日  
塵襟都滌盡不須叅學老僧禪

半畝園納涼

蔣尚德  
州牧

當暑偏勞長吏行羨君執麈笑相迎藕花香盡池塘碧篔  
竹生風几簟清獨處不聞家計聒耽吟應用錦囊盛倉皇  
愧我多煩熱只有冰心對月明

歸蘄後寄邵陽諸同學

陳  
常州人

乞養歸來已十年故人望斷楚南天雁飛遠浦魂銷矣月  
滿平湖思渺然漫許經明能訓士亦藏吾拙得歸田一燈

蘄州志

卷之十八 詩

四十四

閒課兒孫讀荒殖何堪復漢川

五言排律 九首

燕臺柬劉克猷

顧咸泰

巍名隆海內彩羽煥天中雷殿初傳遶龍標首建雄文星  
高射斗正氣獨凌嵩內相聲聞重宏儒德業崇邾城蓉鏡  
曉康里紙箋紅久列紗籠秘先題玉宇隆乃知瀛苑異方  
識木天窿漏永修篁禁懷清廡島風青藜燃太乙皓鶴點  
仙官文發蒼鏤異書成黃聿同牙籤咸甲乙濤画各西東  
上下數千紀縱橫今古衷一時宏駿望百代蔚宗工昔共



名山榻多君表素功

壬寅夏奉寄盧澹岩大叅

顧景星

渤海當天府東南直斗樞詔詢筦榷使官用節旄除筭筴  
源經術慈祥出轉輸牢盆無絀罔飛輓屬通渠民力錐刀  
欲官箴簿牒初歲增須令甲量減亦思書夙駕曾畱犢風

簾舊掛魚

公爲令尹太守皆有廉聲

詩家最蕭散賦筆且馳驅吟歎耽

章句歌呼與吏胥曹參真相國匡鼎自名儒海氣登樓卜  
苴田入望紆五湖饒苻茆六月滿芙蕖畫舫多年夢橫塘  
舊日漁故鄉前草莽此地已林廬矯首江楓隔關心隴木  
蕪州志

卷之十八 詩

四十五

殊片雲飛待急雙鯉寄容徐景物吳儂異栽培國勢需看  
君奏最日簫鼓渭橋趨

送李嵩岑巡鬱林

顧景星

萬里蒼梧路繩橋百粵懸水通七澤勝山與九疑聯擴境  
新編戶論兵近備邊檄書紛桂聖旆旆繞灘川風俗圖經  
異城池壤勢偏赤巖晴自瘴蠻樹綠多烟野果全如面蟬  
蛇美似髻獻歌蘆管鬧叱馭跣郎先孔雀呼都護靈麋識  
使駟長齋鈴閣靜散帙錦題鮮

君長齋奉道家多藏書道

薏苡休來謗

桃概可駐年火山明劒氣冰井著廉泉炎景憐分袂危途

慎著鞭艱難吾道固心力爾才賢白日高歌送青春取醉  
眠風雲看勁翩險阻信雄褰多難仁人泰盤根利器全策  
勲寧用武訪道况知元元結碑猶勒丁郎祀不遷在丁郎山  
梧州

岑溪縣孝子丁密  
故有祀訛傳丁蘭

君行忠孝地駐節儻流連

### 贈王大紳

顧景星

諱臣縉一字縉雲蕪州人崇禎進士令錢塘忤大吏罷  
官甲申欲起義擊賊未果順治初走海外魯王授分巡

副使兵敗赦還爲  
僧居江南常熟縣

死別驚重合寒灰冑再溫淒涼窮海淚痛哭舊朝恩徐庶  
初驚放陳宮竟不冤物情麓悼惜天意獨周存喜出黃泉  
蕪州志

### 卷之十八 詩

四十六

隧來過黑浪翻遙知嘉慶畢苦話別離屯隱忍誰能識傷  
心祇自捫他時相見後重疊攷啼痕

夏日傷前宗正朱仲良先生湖上舊居 二十四韻

李炳然

廣讌開樊邸扁舟涉雨湖避喧營小築蕩隘滌洪壚中壘  
經傳久南陂剗蓋殊應徐才總萃山桂色長腴生長朱門  
盛傾懷白屋孤河間存禮樂東海表神區銀榜懸珠蘂蘭  
言吐碧梧陳思三父子王李七倡于先生與弇州滄溟七  
子唱酬寄贈有詩篇  
最樂貪爲善懷愁渺獨歛蒼天憐水旱赤子弄萑蒲鳩鵲

冲霄去鴛鴦碎地呼渡河舟掬指奪絹血淋膜龍鼎髯存

沒王孫飯有無甘泉驚火徹爰止畢烏逋柏葉饑猶餅

先生

逃賊難饑餐  
柏葉而卒

余皇棄在蘆草堂畱響像松菊日藜蕪泥擁

蛇騰窟臺傾鷲語雛斷橋通厲揭浸板畫蟻蚰珠賣茅誰  
補坏融枳倩扶琴亡人載筆舟繫壑藏隅麥秀蘄移合雍  
門涕逝徂雉壇餘竹柏沙嘴滿鵝鵝感舊聽隣笛傷心擊  
唾壺縹緗無隻字流恨向山隅

過舊園荒處感賦二十韻 癸未

盧 紘

故宅臨濠上園開畝一區南山當戶立修竹遶籬扶簇簇

蘄州志

卷之十八 詩

四十七

花沿徑田田葉滿湖殘霜畱小菊滴雨聽疎梧地僻塵難  
到人幽興不孤著書三世業訓禮一庭□□許朋來過談  
餘酒漫呼正凭高世隱可盡百年娛剝運方罹劫危宗並  
受屠亭軒空烈燼垣墉翳深蕪尋徑迷前址臨風起舊吁  
有萊仍窟鼠無樹可棲烏境入荒涼盡情愴俯仰殊悽然  
傷父子宛若失生徒愾息聲疑在追隨願已辜祇憐埋瓦  
礫何自禁樵蘇寥落全非主伶仃獨悵癯回思如幻夢遷  
化亦須臾顧彼如雲第疇無易盡途嗟余猶見晚漫引淚  
如珠

過圓峯山避兵寇處追憶有感

癸未

盧紘

圓峯幽淨地二梵舊禪林  
礧接重巒峻巖藏古木深  
郊原初竄跡烽火尚驚心  
方厭塵勞劇希從世外尋  
如何逢擾攘猶苦避凌侵  
病婦趨徒步癡兒挈敝衾  
壑栖虎不畏風動骨疑森  
晝永愁難夜嬰啼禁勿暗  
舉家同罪繫累月坐沉陰  
伺晚潛歸爨乘昏促向岑  
艱虞幾歷萬喘息始存今  
事後重來過歛歛涕濕襟

喜黃公還里

徐惺子星

已作經年別誰期今再遊到門  
湖水白放眼野雲秋孤鶴  
蘄州志  
卷之十八詩  
四十八  
遙相喚冥鴻肯不留荷香生遠岸  
花影上汀洲醉訪陶彭澤書尋李  
鄴侯寒烟仍泛艇夜月又登樓方  
遂懷山樂安能對影愁家園叢桂  
老風雨話無休

次答黃公先生

朱載震梅人

白衣還漢水最愛竹林遊  
放艇當深夏看山恰早秋  
顛仍張長史傲寄阮陳畱  
江樹繁高嶺蒼葭徧遠洲  
肯將司馬賦不換醉鄉侯  
泉石宜千卷烟霞護一樓  
狂吟忘籍在長□破離愁  
商洛真難老還須訪伯休

五言絕句

十七首

麟苑江山

顧景星

白晝江山靜空城似馬屯蕭蕭梁苑竹今日幾竿存

鳳寺晨鐘

顧景星

鼓角住清曉楓棧出烟樹山僧八百聲隨風過江去

龍磯夕照

顧景星

大江石甚奇嶮水涸乃接北岸宋大觀四年立廟祀順濟龍王故名北岸烈士廟宋王彥明死節處

義士死長江人來弔夕陽磯聲流不盡遺恨與江長

雨湖漁艇

顧景星

且喜城郭近又無車馬喧打魚呼酒伴風雨過前村

蘄州志

卷之十八 詩

四十九

金沙月泛

一名赤東湖

顧景星

月色亦何皎偏多雲水鄉當時兵火地到此即清涼

石籟積雪

顧景星

治東十里大江中水涸乃見亂流一里水淺為患郡人擬立鐵桂未果

積雪覆蒼磧橫江走白龍幾時沉鐵鎖水底作奇峰

溫泉春浴

顧景星

脫帽林下露振衣山澗風不知春氣好常在此山中

城南柳嶼

在西湖亦名鏡口

顧景星

湖光本自寬畧約已多設試問築堤人胸中何太窄

浮玉新磯

顧景星

大江中爲舟楫患萬歷十七年州守徐希明磬石增高使知所避建亭曰浮玉

埤垠連雲出濤聲繞樹長無情江上石獨立閱興亡

避地雜感

錄三首

李炳然

主人嫌久客酌酒送行頻賴走風波裏山川未厭人  
森然槐柳列飛樓齊雲端直下望雷雨城中增暮寒  
流水且接軫飛雀晚張羅道周逢鹵薄父子邈山河

蘄簞

金德嘉

高枕得桃笙炎天遊化城中宵醒蝶夢皎皎見參橫

蘄州志

卷之十八 詩

五十

四時詠

雨湖吟社作

春

秦京

草色碧于天新林咽杜鵑紫騮花裡去情滿五陵烟

夏

李生槃

日向槐陰下從朝坐至昏百番啼鳥喚不敢啓柴門

秋

集陶

黃載華

天高風景徹百卉俱已腓秋菊有佳色一觴聊可揮

冬

郭從

一夜北風削空山大雪鳴誰將老鐵骨卧與短衾撐

山居採笋

李炳然

山居香飴帶河餐萬玉蕭條春雨寒採得生芻剛一束還  
防饕餐損瑯玕

其二

李炳然

地宜種竹不加功笋價長年與土同別屋炊嘗僧共食癯  
清滋味此君風

浮玉亭

劉養微

孤亭穩着石如拳兩岸波光秋可憐回首庾公樓上月茫  
茫占斷玉壺天

蘄州志

卷之十八 詩

五十二

蘄僧餽笋

徐惺 江子星

錦棚初脫玉嬰兒雉尾龍孫總未遲畱取他年鸞鳳食休  
教江上笛空吹

迎山 俗名銀山

金德嘉

牛肝馬口水潺湲稼圃人家竹樹灣最喜時清無鑛使大  
書此地是銀山

蘄州城外青樓故址

金德嘉

前朝官妓此爲家十里湘簾一水涯江月有情來照夜宮  
人斜畔墅棠花

初夏湧峰樓觀漲

陳道兼  
州人

雨足陂塘水亂流無分陸海與滄洲  
桑田豈是蛟龍窟任爾狂瀾到處浮

渴口觀漲

陳道兼

竭來野水輒平河此日緣溪失釣坡  
欲駕扁舟尋舊侶重重對酒聽漁歌

浮玉亭

予外祖父吳公亮  
題時官兵科給事中

李生槃

何年鞭石過東海萬里飛來江際浮  
不道題亭吳給事錯疑玉影滙中流

蕪州志

卷之十八  
詩

五十二

文明橋

姚紹祁  
州人

風靜橋平浪不驚一湖清水漾文明  
夕陽斜掛橋頭柳兩岸漁竿盡入城

鉢蓮庵

姚紹祁

望去南湖一鉢圓芰荷花放碧蓮  
天香風過去聞鐘响恰值僧堂午課前

訪卧雲道人

張樞

閒行動是水雲家水競雲遲意自斜  
前日共君松樹底道書一卷把秋霞



送泳堂上人之廣陵

黃載嶠

破羣雁影入雲高老逐風波長二毛愁結兩鄉千里夢鴻  
洲烟雨廣陵濤

麟山晚眺

張錫爵

江南水曲萬山橫一片斜陽照眼明最好尋春楊柳岸雙  
柑斗酒聽流鶯

元妙觀夜坐

丹九道人

學道年來強自持蒲團兀坐夜深時爐香欲燼問童子月  
上花梢第幾枝

蕪州志

卷之十八 詩

五十三

遊長流寺

王思孟 近州聖人

野雲深護法王關溪水長流雪一灣笑問老僧尋勝蹟幾  
株枯樹老荒山

蓮花池吊二烈女

高鴻 賓州南人

女郎甘與水爲家野碧沉沉玉未瑕湖裏一墩今宛在香  
魂只合傍蓮花

讀書鎮國寺

張學塏 莫州高人

光分佛火手殘篇戶白驚看達曉天茶灶未炊僧起早一  
聲清磬破林煙

采蘭

郭從去山

日日云采蘭日日未得采今朝天氣清行矣不可待入谷  
得聞香尋香識所在謾謂非鹽梅不足調鼎鼐賦性本幽  
芳此其所以乃

示兒高暉

郭從

兒高挾冊山中來阿翁見之懷頓開總然老朽疾復作形  
容骯髒心悠哉人生窮達固有命犬道不明方是病能將  
道妙貫胸中萬事紛投胥自鏡翁今拓落亦郎當只緣不  
教硯田荒懊悔于年志不篤遂令一恨彌穹蒼猶喜此間

蘄州志

卷之十八 詩

五十四

眞樂國麥隴無際黃雲色稻陂正滿秧針齊沃野千頃雙  
眼碧到來秋穫爭登場長碓高舂玉粒光家家豐醢若山  
埭不欠官錢不稱貸童叟熙熙樂也無淳風直奪羲皇代  
吁嗟乎人生歲月苦無多况復奔馳隙裏過但得有兒耕  
且讀阿翁何事長悲歌